

Drei neue *Coptolabrus*-Formen. (Col.)

Von Prof. Dr. G. Hauser, Erlangen.

1. *Coptolabrus Tsingtauensis* G. H.

Copt. smaragdini var. *Mandschurico* Sem. similis, sed fortiter deplanatus, latior et validior.

Capite et prothorace rufo-cupreis vel aureo-cupreis, prothorace summa latitudine sua 1,13—1,17 latiore, lateribus medio sat fortiter fere rotundato (vel subangulatum) dilatato, dein antrorsum arcuatim angustato, retrorsum levissime sinuato vel fere recto, angulis anticis leviter obtusis, a capite paulum distantibus vel huic applicatis, marginibus lateralibus magis minusve horizontaliter explanatis, nigrocallosis, margine antico leviter sinuato, nigrocalloso, margine postico recto, angulis posticis lobuliformibus, valde obtusis vel rotundatis, leviter retrorsum productis, vix declivibus, apice foveola profunda, foveolis ante lobulos etiam profundis, interdum impressione transversa inter se conjunctis; disco leviter convexo, confertim, sed minus crasse punctato-rugoso et nitidiore quam in *Mandschurico*, rugis magis deplanatis, linea media non profunda sed manifesta.

Coleopteris minus convexis quam in *Mandschurico*, vel magis minusve deplanatis, elongatis, ellipticis vel subellipticis, lateribus leviter rotundato dilatatis vel fere parallelis, scapulis magis evolutis, summa latitudine circiter 1,8 longioribus, apice sat breviter sed longius quam in *Mandschurico* mucronatis, mucrone ad apicem vix sursum reflexo, manifeste bicuspidato; limbo angusto in ♂ angustissimo, horizontaliter explanato, crenulato, aureo vel viridi-aeneo; superficie sat fortiter granulata et rugoso-granulata submetallico- vel serico-micante vel fere opaca, fusco-viridi-aenea vel fusco-aenea, lumine a fronte incidente saturate viridi-relucente, ad basin humerosque nitidiore vel aeneo fulgida; tuberculis primariis nigris, sat parvis (praecipue in ♂), crebris, subrotundis vel oblongis, paulum convexis vel deplanatis, interdum costulis metallicis inter se conjunctis, tuberculis secundariis multo minoribus, creberrimis, subrotundis, tuberculis tertiariis crebris, minus perspicuis, irregulariter dispersis, hic illic series breves haud manifestas formantibus, saepe cum superficiei granulis tuberculisque primariis confluentibus.

Subtus niger, nitidus, prothoracis lateribus sat confertim aciculato-punctatis, his et mesothoracis episternis rufo-cupreo fulgentibus vel sat obscure viridi-aeneis, sterno cupreo et violaceo relucente, mesothoracis episternis minus confertim punctatis, elytrorum epipleuris sat obscure aureis vel cupreis, solum antice

fulgidioribus; abdominis lateribus crasse rugoso-punctatis, interdum viridi-coeruleo micantibus.

Pedibus nigris, sat longis, femoribus posticis medium abdominis segmenti ultimi non attingentibus, tibiis femoribus longioribus, tarsis tibiis multo brevioribus, tarsis anticis in ♂ fortiter dilatatis.

Long. ♂ 30—33 mm, ♀ 37—41 mm.

Lat. ♂ 9,75—11 mm, ♀ 13—14 mm.

Patria: Tsing-tau.

Specimina: 4 ♂ 2 ♀ i. c. mea.

Liberalitati viri de entomologia meritissimi A. Bang-Haas hanc speciem debeo.

2. *Coptolabrus pustulifer* ab. *amoenus* G. H.

Forma et statura *Copt. pustuliferi* Luc., sed capite et prothorace laete opaco-viridibus, sulcis frontalibus nitidioribus, coleopteris opacis, violaceis, lateribus et limbo nitidioribus, laetius violaceis; subtus niger, prothoracis lateribus viridibus, subnitidis. Elytrorum tuberculis secundariis lineas minus undulatas quam in forma *C. pustuliferi* typica formantibus.

♀. Long. 29, lat. 13 mm.

Patria: Kia-ting-fu, Chinae, prov. Setschuen.

Specimen unicum in Museo Britannico.

Haec pulcherrima aberratio, quoad colorem omni ratione *Copt. Lafossei* ab. *chrysothyreo* similis, a Carolo Bock mensi Junio anni 1891. in radicibus montis Omei-shan collecta est.

3. *Coptolabrus Oudoti* G. H.

Copt. Branickii Tacz. similis, sed multo minus nitidus, capite et prothorace fortius ruguloso-punctatis.

Capite et prothorace sat lucidis, rufo-cupreis, interdum leviter aurescentibus, fortiter irregulariter transversim ruguloso-punctatis, punctis crebris et praecipue in capite profundis. Sulcis frontalibus profundis, ad oculos dilatatis, clypeo nigro, minus confertim sed profunde punctato, interdum fere laevi, punctis perpauca et fere obsoletis, margine antico medio fortiter triangulariter vel fere rectangulariter impresso; labro antrorsum fortiter dilatato, margine antico leviter sinuato, medio impressione valde profunda, lobulis lateralibus fortiter convexus, fere laevibus vel irregulariter transversim profunde striatis, antice foveola profunda. Mento profunde sinuato, dente medio lato, obtuso, lobulis lateralibus brevioribus, his externe rotundatis, superficie irregulariter et longitudinaliter strigatis; gula mediocriter constricta, antice oblique strigata, postice transversim aciculata, striis gularibus mediis plerumque perprofundis, retrorsum valde divergentibus.

In ♂ palporum omnium articulo ultimo late securiformi,

praecipue labialium angulo antico externo acutissimo, margine antico fortiter convexo, articulo palporum labialium penultimo setis duabus longis et fortibus.

Prothorace latitudine sua paulo brevior (1,1:1), medio obtuse sed manifeste angulatim dilatato, antrorsum fortiter subarcuatim vel fere recte angustato, angulis anticis sat obtusis, a capite non vel minime distantibus, retrorsum leviter sinuato, marginibus leviter elevatis, haud explanatis, nigro-callosis, margine antico leviter sinuato, fortiter nigro-callosa, margine postico fere recto, vix callosa, angulis posticis lobuliformibus, declivibus, vix retrorsum et extrorsum productis; fossulis ante lobulos plerumque non manifestis; disco leviter convexo, linea media perspicua, ante marginem posticum impressione transversa manifesta.

Coleopteris minus convexis, valde elongatis, subellipticis, lateribus leviter rotundato-dilatatis, interdum (praecipue in ♂) fere parallelis scapulisque magis productis, summa latitudine fere duplo longioribus, apice sat longe mucronatis, mucrone ad apicem manifeste sursum reflexo, acute vel subacute bicuspidato; limbo angustissimo, explanato, crenulato, aureo-cupreo, fulgido; superficie sat fortiter, sed minus quam in *Branickii* granulato-rugosa, fusca vel brunnea, serico-micante vel fere opaca, solum ad basin et ad scapulas nitidior, ad basin laete cupreo vel aureo-cupreo, ad scapulas interdum viridi-aeneis; tuberculis primariis nigris, parvis, subrotundis vel elongatis, plerumque sat deplanatis, rarius convexis, sat crebris, sed latius inter se distantibus, costulis inter se conjunctis; tuberculis secundariis creberrimis, multo minoribus, rotundis.

Subtus niger, prothoracis lateribus, mesothoracis episternis elytrorumque epipleuris rufo-vel aureo-cupreis, prothoracis lateribus sat profunde punctato-rugulosis, mesothoracis episternis punctatis, sterno toto nigro vel coerulesco-vel violaceo-vel cupreo-micante, abdominis lateribus interdum coerulesco-micantibus, profunde punctatis.

Pedibus sat longis sed brevioribus et fortioribus quam in *Branickii*, nigris, femoribus posticis penultimum abdominis segmentum in ♂ superantibus, in ♀ non attingentibus, tibiis, praecipue in ♂, femoribus longioribus, tarsis tibiis brevioribus, in ♂ tarsis anticis valde dilatatis.

Long. ♂ 35—41 mm, ♀ 41,5—42 mm.

Lat. ♂ 11,5—13 mm, ♀ 13,5—14 mm.

Patria: Corea, Chemulpo. 4 ♂ 4 ♀ i. c. mea.

Reverendissimo Patri P. Oudot, merito hujus speciei inventori, dedicatus.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Deutsche Entomologische Zeitschrift \(Berliner Entomologische Zeitschrift und Deutsche Entomologische Zeitschrift in Vereinigung\)](#)

Jahr/Year: 1913

Band/Volume: [1913](#)

Autor(en)/Author(s): Hauser Gustav

Artikel/Article: [Drei neue Coptolabrus -Formen. \(Col.\) 559-561](#)